

r. 1725.

Litterae et scripta in quibus continentur
tam Gravamina, quae Respublica Polonicae
contra Regem Borussiae nuper exhibuit, quam
Responsiones. -

LITERÆ

Et

SCRIPTA,

in quibus continentur

tam Gravamina,

quæ

RESPUBLICA
POLONIAE

contra

REGEM
BORUSSIAE

nuper exhibuit,

quam Responsiones,

quibus Gravamina ista

plane dissolvuntur.



Anno MDCCXXV.

<http://rcin.org.pl>

LIBRE

SCIENTIA

LIBRARIUS


REPUBLICA
POLONIAE



XVIII. 2. 689.

REGEM

BOHEMIAE



LIBRARIUS



Augustus Secundus Dei gratia,
Rex Poloniae &c. &c. Ad Literas M^{tes} V^{rae}
ex occasione Causae Thorunensis Nobis
traditas Responsum nostrum ideo distuleramus, ut
post reditum ad Regnum nostrum super contentis ea-
rundem exploratos habere potuissemus Senatorum
& Ministrorum Status ejusdem Regni nostri sensus.
Quibus perceptis, hoc nobis in respondendo exprimendum venit: Quod nunquam minus a quopiam
Principum Protestantium, quam a M^{te} V^{ra} spe-
rabamus, tot & tales contra latam in eadem causa
per Judicium nostrum Assessoriale executionique man-
datam legitime Sententiam non sine animi nostri
sensu accipere querimonias. Quandoquidem au-
tem Generosi de Schwerin in Conferentia cum De-
putatis Senatorii & Equestri Ordinis ex immediate
celebratis Comitibus Regni Generalibus inuncta, inter
alia etiam in hocce negotio Thorunensi Punctum no-

mine Majt^{is} V^{rae} proposuerunt, responsumque habuerunt; Idcirco ad hocce Responsum proximeque futuram reassumptionem Comitiorum ulteriorem mentis nostrae ex sensu & assensu Ordinum Regni explicationem jure merito differre necessum habemus.

Interea Majtⁱ V^{rae} Memoriale nuper nobis a Reverendissimo in Christo Patre, Domino Archi-Episcopo Gnesnensi, Primate Regni Primoque Principe nomine publico exhibitum communicamus per Generosum Ulricum Fridericum de Suhm, Consiliarium belli privatum nostrum apud Majt^{em} V^{ram} Ablegatum Extraordinarium, una cum remonstrationibus opportunis. Et quemadmodum votis publicis deesse non possumus, ita Majt^{em} V^{ram} requirimus, ut contenta hujusmodi Memorialis accommodare quantocius non intermittat, perindeque conatus nostros ad manutenendam Pacem & inalterabilem amicitiam secundet, res ad extrema non deducendo.

Hæc Majtⁱ V^{rae} impensius commendantes, & non tantum Cathegoricam in Responso Declarationem, sed & realem ad vota publica Satisfactionem præstolantes, Eidem circa Divini Numinis tutelam prosperos rerum successus ex animo apprecamur. Dabantur Varsoviae die prima mensis Octobris, Anno Domini MDCCLXXV. Regni vero N^{ostri} XXIX. anno.

Ad Regem Prussiae.

Sa-

Sacra Regia Majestas.

Siquidem Aula Berolinensis tot & tantas injurias
 publicas contra vim & tenorem pactorum an-
 teriorum nec non formam Regiminis attenta-
 re non cessat; Signanter vero *Homagium* eventuale
 S^{ae} Regiae Majestati Vestrae & Reipublicae per ea-
 dem pacta stipulatum *praestare non curat*, Ecclesias
 Romano-Catholicas, sacerdotesque ac ministros earun-
 dem in Prussia Ducali existentes, *Juribus, Jurisdictioni-*
bus ac redditibus ab antiquo vigore dictorum Pactorum
sibi competentibus spoliare, aliisque plurimis molestiis
 & angariis per Edicta sua nova, & nunquam super di-
 vinis peragendis practicata, tum per comminationes
 exilii, praesertim ab Ecclesia Lindana, vexare non de-
 sinit; praeterea contra Recessum de Anno 1612. Re-
 giomontanum in praerudicium *Confessionis Augustanae*
Religionem Calvinisticam promovere, templa ma-
gnifica exstruere, ac personas ejusdem Religionis in
 officiis primariis cum summo gravamine Lutherano-
 rum Terrigenarum collocare praesumit; justissima
 Reipublicae desideria ratione *Ecclesiae Lisnoviensis*
Romano-Catholicis restituenda, propugnaculi Bol-
werck-Schanz ac domui vigiliarum in suburbio Elbin-
gensi milite Brandenburgico infestae evacuandorum,
Salis Transmarini Elbingam sine omni impeditio-

ne invehendi, Commerciorumque non impediendorum, & *Capitationis a colonis Elbingensibus levanda*, tum ratione *violentissimæ hominum per milites Brandenburgicos abductionis* amplius non attendendæ, aliaque toties exposita minime attendere, quin imo quasi consulto majora in dies præjudicia inferre, injuriasque accumulare non intermittit: Idcirco S^a R^a M^{ti} V^a D^{no} N^{ro} Cl^{mo} nomine publico & omnium Injuriatorum supplicatur, quatenus vigore eminentis & altissimi Domini sui & Reipublicæ eventualis, tum ex vi prædictorum pactorum, Aulam Berolinensem obligationis & officii sui admonere, Eamque autoritate sua requirere dignetur, ut memoratas injurias publicas reparare, congruam satisfactionem præparare, omnesque status ac incolas & subditos tam regni quam proprios iisdem juribus & libertatibus, quibus olim gaudebant, et secundum præscriptas Leges Pactorum anteriorum, formæ Regiminis prorsus immutatæ, & Recessuum gaudere debent, restituat & restitui procuret intra spatium a S^a R^a M^{state} designandum; alias pro certo per sua sua, quod jure Repressaliorum seu naturalis defensionis de more gentium unicuique in tali casu licito, non solum Ecclesiæ Dissidentium in Regno Poloniæ & M. D. Lithuanix omnes ex mandato meo Metropolitanano & cœterorum Dominorum Episcoporum

ob-

obfigillabuntur, Prædicantes sequeſtrabuntur, ſed etiam poſt tot læſæ patientiæ documenta iniuriati ad ar-
cendas, propulſandas & vindicandas Injurias publi-
cas & privatas cogentur implorare deſuper Sæ Ræ
Mſtis Væ auxilium, tum per extraditionem literarum
Reſtium vulgo **Wici** ad confinantes Palatinatus &
Diſtriçtus, tum per obligationem Supremorum &
Campeſtrium Ducum utriusque Gentis ſuper extra-
dendis mandatis ad milites in confiniis hybernantes.

Et quoniam intereſt, ut ſtatus Reipublicæ præ-
ſens non turbatus & nimis ambiguus ex occasione com-
minationum & terriculamentorum bellicorum a Po-
tentiis Proteſtantibus, ex hac dubia & periculosa in-
certitudine quantocius educatur & reſolvatur, maxi-
me ut ſciat Reſpublica fata ſua, & tempeſtively op-
portunas capere poſſit menſuras Belli vel Pacis; Proin-
de hæc neceſſitas nos Senatores & Miniſtros Status ad
latus Principis commorantes obligat, ad ſupplicandum
Sæ Ræ Majæ Væ, quatenus vel reaſſumptio limitatorum
Comitiorum Generalium cum extraditione literarum
Reſtium vulgo **Wicina Poſpolite Ruſzenie**
ad obviandum ſubitis caſibus ingruentis hoſtilitatis de-
terminetur, vel interpoſita paterna cura & ſollicitudine
Sæ

Sz Ræ M^{is} V^{re} declaratio certa & cathogorica ab iisdem Potentiis Protestantibus subsequatur, quod amplius non per abruptas vias & violentas extremitates, sed pacifico modo per officia amica intercedant pro Dissidentibus, nostris domesticis, culpabiliter & perniciosè exotica subsidia contra rationem status & leges patrias in convulsionem tranquillitatis publicæ quærentibus & fomentantibus.

Sacræ Regiæ Majestatis Vestræ

Domini mei Clementissimi

humillimus Servus

Theodorus Potocki.

Archi-Episcopus & Primas.

Stc.

Serenissime &c.

Ex literis Maj^{ti} V^{ra} de Ima Octobris per Ministrum suum hic commorantem de Suhm nobis recte redditis lætanti animo perspeximus, manere Sibi consuetam hucusque inter nos animorum conjunctionem immutabiliter colendi jugiterque conservandi laudabile propositum, & a nobis vicissim pares demonstrationes expectari, quæque porro de pervulgato Thorunensi negotio, & a Reverendissimo Regni Primate Maj^{ti} V^{ra} oblato Memoriali subjiciuntur. Principio Maj^{ti} V^{ra} quam certissime persuasum esse cupimus, a primo tempore suscepti Regiminis hucusque haud ulli rei majori cura intentos Nos fuisse, quam ut perfectam sinceram amicitiam, confidentiam, & concordem animorum conjunctionem cum Maj^{te} V^{ra} observaremus, inclutæque Genti Poloniæ quavis oblata occasione manifestum faceremus, quantum apud nos valeat eximia, quam pro Ea fovemus, existimatio, Quo studio illius commoda & prosperitatem haud minus ac proprias nostras rationes prosequamur, &, quod pro levissimo judicamus, hujus sinceri nostri in Inclutam Rempublicam Poloniæ singulaque Ejus membra affectus documento, qua sollicitudine Paëtorum, quæ cum Maj^{te} V^{ra} & memorata Republica nobis intercedunt, observatio a Nobis curetur, cavendo, ne a Nobis quicquam, ne minimum quidem fiat, quod vel in speciem iis adverfari videatur.

Hinc est, quod tanto altius in animum nostrum descenderint, quæ hoc nostrum propositum, per hoc tempus, hinc inde in sinistrum & plane contrarium sensum deflexere interpretationes, in tantum, ut prorsus inculpari videremur, nonnulla tentasse & suscepisse, quæ in læsionem Præminentiaë Statusque Rationum Inclutæ Reipublicæ Polonæ tenderent, illiusque juribus vim inferrent.

Id vero extra dubium ejusmodi homines autores habet, qui præsentem Gentis Polonæ prosperum & pacatum statum limis oculis intuentes, Majestatem Vram & Rempublicam per diffidentias, fastidia & collisiones nobiscum committere satagunt, ut ex ea discordia captatis sua opinione commodis citius potiantur.

Quin ex ipso Reverend^{mi} Primatis Majestati Vrae oblato & ab Ea ad Nos transmissio Memoriali adparere videtur, Primarium hunc Senatorem ab hujusmodi perverlaë intentionis hominibus præoccupatum inanes & a specie veri longe alienas ideas hausisse, quibus Nos haud rectius obviam ire posse confidimus, quam si per oppositas illi Memoriali scripto conceptas & heic subjectas contrarias responsiones evidenter & sol meridiano clarius demonstraverimus, quantopere, qui nobis se præbent iniquos, Revd^{mi} Primatis digna, quæ illi tanquam primo Senatori Reipublicæ merito incumbit, quamque cum immortalis sua gloria pro salute

&

& incolumitate Reipublicæ impendit sollicitudine abutantur, quamque omnia illa contra nos jactata conficta sint, & omni probatione destituantur.

Quoniam autem hujusmodi gravamina & accusationes per memorialia & epistolas ex integro examinari & componi ægrè possunt, quod in Nostri Responsionibus fecimus, idem etiam Maj^{ti} V^{ra} offerimus, promptitudinem scilicet, constitutum hoc fine in ipsis Pactis modum, nominandorum ab utraque parte Commissariorum libenter admittendi, aut si Maj^{ti} V^{ra} & Reipublicæ magis convenire videatur, Extraneas Potentias, & nominatim a nostra parte Coronas Galliæ & Magnæ Britanniæ, pro Mediatoribus adhibendi, relicto Maj^{ti} V^{ra} & Inclutæ Reipublicæ arbitrio, quos alios ex sua partè in hanc rem appellaturi sint, certi, in præfenti rerum statu & occasione a Nobis nihil ultra exigi posse.

Quod ad Negotium Thorunense attinet, quæ à Maj^{te} V^{ra} in supradietis suis literis injecta sunt, *nihil minus expectatum sibi accidisse, quam quod a nobis hac in causa representationes factæ sint*, non satis capimus.

Sane haud minus nobis quam aliis à natura pariter inditum imperatumque est, miserorum calamitatem dolere, eisque succurere.

Sed & exempla tot aliarum Evangelicarum Potentiarum, quæ in simili casu socios fidei suæ verbis

scriptisque sublevarunt, pro injustis aut illicitis adeo habita non sunt, ut potius à potentissimis Europæ Principibus per solennes Tractatus pro legitimis agnita fuerint.

Neque credibile videtur, Nobis solis hac in re ulla ratione præclusum esse jus humanæ societatis, aut Maj^{tem} V^{ram} Pacis Olivenfis collatam nobis Guarantiam adeo reprobaturam esse, ut super Punctis in ea comprehensis cum Maj^{te} V^{ra} ne quidem per literas amice agendi facultas nobis sit:

Neque arbitramur, in geminis ad Maj^{tem} V^{ram} in hac materia dimissis epistolis, quibus dolorem super negotio Thorunensi conceptum quodammodo expressum dedimus, præterea quicquam contineri, quod cum eximia, quam Maj^{ti} V^{re}, Inclutæ Reipublicæ, & universæ Genti habemus, consideratione & æstimatione consistere nequeat.

Præter illas duas Majestati Vestræ perscriptas epistolas non recordamur, quicquam a nobis factum esse, unde vel minima amicitiae & bonæ viciniæ læsio colligi possit: Quin imo, quid in Comitibus nuper limitatis & proxime reassumendis tractandum, & quæ Maj^{tis} V^{re} & Reipublicæ declaratio in hac causa futura sit, tranquillo animo hucusque præstolamur.

Quid vero exorto in Polonia ingenti rumori; quasi a nobis aliisque Evangelicis Potentiis hujus
Tho-

Thorunenſis negotii cauſa bellum in Poloniam moveatur & hoſtilia intententur, cauſam dederit, plane ignoramus: Neque liquet, unde hujusmodi intentio inferri queat, cum pro expediendis tam difficiliſſimis conſiliis quicquam parari nuſquam appareat, forte ne cogitatum quidem ſit, aut deſignatum.

Neque aliam, quantum nobis quidem conſtat, omnium Evangelicorum Principum, qui in Thorunenſi & reliquis in Polonia religionis negotiis officia ſua haecenus interpoſuerunt, mentem eſſe Majtⁱ V^{rae} pro vero adfirmamus, quam ut quicquid ejus eſt negotii, amicabili modo, omni vel leviſſima facti via excluſa, per ejuſmodi expedientia & temperamenta dirimi queat, quibus neque Legibus & Conſtitutionibus Regni Poloniae, neque Gloriam & Rationibus Majt^{is} V^{rae} & Reipublicae vel minimum quidpiam decerpatur.

Certum haecenus dictorum experimentum capere ſi lubeat Majtⁱ V^{rae}, non alio opus eſt, niſi ut ex ſua parte Deputatos deſignet, qui cum Evangelicorum Principum Miniſtris colloquar^{is} inſtituant, negotium examinent, & de eo componendo incertas quae modo dictae ſunt rationes conſentiant: Nos quicquid in Noſtra poteſtate eſt, pro earum acceptatione prona voluntate conferemus, neque de exoptato ſucceſſu quicquam dubitamus &c. &c. Berolini, Sexta Novembris die 1725.

Ad Regem Poloniae.

Sæ.

Responsio Regis Prusfiæ ad Memoriale Reverendissimi Dni. Primatis :

Sæ Ræ M^{is} Prusfiæ ea semper extitit in Reverendissimum Principem, Dominum Primatem & Archi-Episcopum Gnesnensem modernum, non magis ob eximium generis splendorem, quam ob excelsa toto orbe celebrata merita & virtutum ornamenta, cum veneratione conjuncta existimatio, tanta colendæ Sibi cum, non finibus tantum, sed insuper æterni fœderis vinculis conjuncto Regno Reque-Publica Poloniæ, bonæ viciniæ fiducia, ut non nisi acerbissimo animi dolore excipere potuerit, primario huic Senatori & Principi Reipublicæ tam sinistras de Se suisque gestis cum Republica hucusque negotiis impressiones factas suggestasque esse.

Ea vero cuncta, cum non nisi ambiguis fictionibus & ejusmodi accusationibus nitantur, quibus homines Sæ Ræ M^{is} infensi hujus Summi Præsulis animum falso præoccupare & ab Ea avertere conantur, haud dubie a consummata ejus prudentia & sueta animi æquitate speratur fore, ut perspecta genuina rei veritate, quam hic dilucide explicare propositum est, aliam mentem induere, & de sincera Sæ Ræ M^{is} erga Se, erga Rempublicam, & universam tot eximiis virtutibus inclutam Gentem intentione, studioque omnis generis amicitia bonæque viciniæ officiorum, longe aliter

sen-

sentire incipiat. Etenim, quod ad
 Imum

in prætacto Memoriali contentum punctum attinet, sane Sa Ra M^{tas} Prusfiæ, ubi primum de recipiendo Regiomonti homagio statuerat, non omisit, Sa Ra M^{ti} Poloniae, longe antequam perageretur negotium, de eo per geminatas epistolas significare, utque suos ad hoc Plenipotentiarios congruentibus mandatis, ad recipiendum pro Rege & Regno Poloniae eventuale homagium, instructos ablegare vellet, rogare. Cumque in subsequenti responso Sa Ra Maj^{tas} Poloniae hujusmodi legationem declinaret, Sa Ra M^{tas} Prusfiæ autem protectionem ea de causa in Prusfiam suscepisset, & in loco præsens adesset, ne tam longi itineris gravis sane molestia & pares molestiæ sumtus, Ordinumque haud minore impendio convocatorum congressus frustrarent, homagii quidem præstandi solennia differri nequiverit, attamen, ut competenti Regno Poloniae juri eventualis successionis, quantum fieri posset, prospiceretur, ejusque pro actu præsentis justa debitaque ratio haberetur, curavit Sa Ra M^{tas}, formulam jurisjurandi, quo universi Status & incolæ solenniter in fidem & subjectionem obstringebantur, *conceptis expressisque verbis ita præscribi, ut reservatum Pactis Velaviensibus Regno Poloniae Jus eventualis successionis una completeretur, adeoque non Sibi tantum & Domui Branden-*
 bur-

burgicæ, verum & Regi Regnoque Poloniæ publicæ, & eadem, qua Sibi ipsi, forma eventuale homagium præstaretur. Et ne quid deesset, universæ rei gestæ ordo eodem die, quo actus homagialis solennia peracta sunt, S. Ræ M^{ti} Poloniæ singulari epistola significabatur, cum adjecta assecuratione, quod si Divina providentia sic iubente Domum Brandenburgicam deficere contingat, rem perinde valituram, & S. Ræ M^{tem} cum tota posteritate sua, ratione hujus pariter ac cæterorum, quibus ex sua parte per pacta Velaviensia Regno Poloniæ tenetur, promissorum, æque obstrictam & devinctam fore, ac si ab eo Regno Delegati actui homagiali præsentis adfuissent; neque minus liberum & licitum fore Regibus & Republicæ Poloniæ, casu in futurum eveniente, hujusmodi Delegatos eo sine dimittere,

Eam verò declarationem cum tota rei gestæ serie S. Ræ M^{tas} Poloniæ ratam acceptam esse habere testata est per literas in hoc ad S. Ræ M^{tem} Prusiæ expeditas, quarum cum reliquis a Regibus utrinque super hoc negotio reciprocatis literis descripta exempla hic adjiciuntur.

Nec apparet S. Ræ M^{ti} Prusiæ, postquam tota res eo quo hæctenus narratum est ordine transacta est, quale vel levisimum detrimentum sive Ræ M^{ti} Poloniæ sive ipsi Regno Reipublicæ, ratione competentis illis in Prusia Brandenburgica eventualis successionis juris, emergere queat.

Non Regiæ Majtī, quoniam placuisse Sibi, quæ acta erant omnia, haud dubie non sine prævia matura deliberatione significavit. Multo minus Reipublicæ, cui, quoniam immortalis est, vigore pactorum Velavientium eorumque factæ & aliquoties reiteratæ renovationis, perinde ac antecedentium homagialium actuum, jus adeo firmum hujus successionis quæsitum est, ut nullo mortalitatis eventu, quacunque ratione illa contingat, interverti possit, etiamsi homagii actus nunquam repetatur.

Objicitur equidem ex parte Poloniæ, S. R^m M^{tem} Prusfiæ propter regiam qua nunc pollet dignitatem in causa esse, cur Deputati Poloni actui homagiali adesse nequiverint. Hoc vero impedimentum facili negotio tolleretur, si Reipublicæ Polonæ hos suos Deputatos certo charactere Legatorum vel Ablegatorum insignire placeret, illisque tunc S. R^a M^{tas} Prusfiæ consuetos in aliis Aulis Europæis honores, qui de cætero in Pactis Bydgostiensibus definiti non sunt, tribueret. Enimvero, postquam S^a R^a M^{tas} Prusfiæ omnium supremo jure domipantium assensu non in Europa modo, sed & Asiæ Africæque plurimum ac potentiorum, pro Rege agnita est, nulla in orbe moratiora ratione evincetur, conveniens esse, ut in hoc homagiali actu regiam suam dignitatem deponat, eumque secundum consuetum olim rituale celebrandum admittat, & homagium Sibi tanquam nudo Duci Prusfiæ

C

Prusfiæ

Prusfiæ, aut Electori Brandenburgico, sine ulla Regii nominis & dignitatis mentione aut demonstratione præstari patiatur.

Porro hujusmodi postulatum, quo a S. R^a M^{te} petitur, ut recognitionem Suam a Republica Poloniæ duris adeo conditionibus redimat, tanto magis insolens est, quod S. R^a M^{tas} Ejusque Parens gloriosæ memoriæ, innumeris vicibus declararunt, Ipsaque porro declarat, per eam ab universa Europa Sibi attributam Regiam dignationem *honores quidem nonnullos, Jurium vero nihil*, minime omnium autem quicquam, *quod in præjudicium aut detrimentum Reipublicæ Poloniæ tendat*, Sibi accessisse, seque hujus intuitu in eadem obligatione, eodemque nexu, & iisdem præstandis, quæ Regem Prusfiæ perstare, quibus ante hac, qua Dux in Prusfia, intuitu Regum & Coronæ Poloniæ tenebatur, neque novam Regis Prusfiæ dignitatem hac in parte ullam, ne minimam quidem imminutionem aut immutationem facere posse vel debere.

Ad 2^{dum}

Quod ad Secundum in Memoriali Reverendissimi Primatis relatam accusationem attinet, nempe cultui Romano-Catholico dicatas Ecclesias & Sacerdotes in Prusfia Brandenburgica juribus suis & redditibus privari, *diversis oneribus prægavari*, specialiter au-

autem Jesuitas apud sic dictam Lindam dimissione & proscriptione terreri, principio quidem palam notum vulgatumque est, Catholicos in S. R^e M^{tis} Prussiacis Provinciis a tempore satis longo plenissima quiete & libertate perfrui, nec ea tantum, quæ per pacta Velaviensia jure illis competebant, sine turbatione possedisse, sed per conniventiam Officialium Regionum, quamvis sine S. R^e M^{tis} tanquam Supremi Imperantis accedente approbatione, pro extensione suæ Religionis exercitii haud pauca etiam illis indulta esse, quæ tenor dictorum pactorum illis negabat.

Quod nisi infauusta illa Thorunensis laniena, & continuatæ inque singulos dies longius procedentes diræ Evangelicorum in Polonia & Lithuania persecutiones intercessissent, fieri potuisset, ut hæc Catholicorum in Prussia Brandenburgica tolerantia multo longius, & ultra quam cogitari possit, in statum illis multum proficuum adolesceret. Posteaquam vero S^a R^e M^{tas} Prussiacæ, memoratis illis in Polonia vigentibus persecutionibus Religionis causa & exinde in univèrsum orbem Christianum pervagatis rumoribus, vivido moderationis suæ & in rem Catholicam in terris Prussiacæ Brandenburgicæ exercitæ lenitatis sensu commota, edoceri voluit; utrum omnia à Catholicis hæctenus usurpata pactis essent consentanea, an vero per ea leges pactorum violarentur & infringerentur, nihil erit cur S. R. M^{ti} quisquam succenseat, quod ob eam causam in-

quisitionem instituerit, & necessitate sic exigente, a Romano-Catholicis in Prussia degentibus Clericis rationem reddi postulaverit, aut porro postulet, quo jure quove titulo hoc vel illud jus, cujus nulla in pactis mentio reperitur, usurpent.

Eam vero inquisitionem & informationem suscipere tanto magis intererat S. R^æ M^{tis}, quod in Pactis Velaviensibus unica tantum publica ecclesia Romano-Catholica commemoratur, cum e contrario manifestum sit, hoc tempore earum in Prussia Brandenburgica non contemnendum numerum existere, quæ cultui secundum ritum Romano-Catholicum publice & solenniter peragendo serviant, frequenti concursu de vicinia hominum eam Religionem profitentium: sed & spectabile Jesuitarum Collegium intra provinciam conditum est, ac non pauci hujus instituti viri hinc inde dispersi domicilium ibidem constituerunt, qui tamen, quod summopere mirandum, non ipsi solum pro S. R^æ M^{te} tanquam supremo territorii principe, ordinatas in S. Dei Verbo expressè præceptas publicas preces recitare recusant, sed & coetus suos occulto & parum perspecto sine dicere prohibent.

Quo in statu res Collegii Jesuitici apud dictam sanctam Tiliam s. Lindam noviter instituti per susceptam in loco inquisitionem reperta sit, cum de eo instituto in Pactis ne minimum quidem vestigium appareat,

reat, & in oppido Tilsit paria tentare Catholicis in Polonia propositum esse intelligatur, singulari scripto typis vulgatum omnium oculis subijcere necessarium habetur, non ea quidem mente & consilio, ut quod S. R^æ M^{ti} ratione hujus Collegii ex præscripto Pactorum circa ejusmodi in Religione innovationes de jure facere licet, in effectum deducatur & executione mandetur; verum ut palam fiat, quantum distet a rigore & severitate, quam Evangelici in Polonia & Lithuiana experiuntur, summa S. R^æ Maj^{tis} quam Romano-Catholicis in Prussiae terris indulget mansuetudo, benignitas & conniventia, quantumque æquitas postulet, aliqualem saltem proportionem & æqualitatem inter illa adhiberi, idque eo magis ob evidentem rationem, quod Romano-Catholici pro introducendis omnibus hujusmodi in Prussia Brandenburgica innovationibus, nihil omnino juris aut præsidii neque ex Pactis neque aliunde habeant, cum econtrario Disfidentes in Polonia contra quotidianas in se attentatas innovationes sancitis publicis juribus & fundamentis muniuntur.

Quemadmodum autem nemini cuiquam Romano-Catholicorum in Prussia, non modo de iis quæ vigore pactorum tenet, sed ne de his quidem, quæ præterea per usurpationem nactus est, quicquam hucusque ereptum, aut de juribus & redditibus, qui in possessione Catholicorum hætenus fuere, vel obolus subtra-

Etus est; pariter declarat S. R^a M^{tas} verbo suo Regali, in futurum se operam daturam, ne querularum causa eis præbeatur, dummodo spes qualiscunque superfit, fore ut quæ decenti cum moderatione & pro Regno Poloniæ ac universa gente debita consideratione, super præsentis Evangelicarum Ecclesiarum in Polonia & Lithuania conditione faciendæ sunt instantiæ & repræsentationes, pronis animis suscipiantur, & secundum normam Evangelii, juris & æquitatis definiantur.

Ad 3^{tium}

Templum pro usu Reformati Coetus; Regionti exstructum esse haud equidem negatur, neque tamen id in Pactis usquam prohibitum est. Pro hac unica vero Reformata Ecclesia plurimæ Catholicæ, adeoque quod jam supra memoratum est, integrum Collegium Jesuiticum, cum omnibus necessariis ædificiis & magnifica Ecclesia, nullo jure aut e Pactis elicienda concessione excitatum est & fundatum.

Quem Reverendissimus Primas allegat Recessum de A^o 1612. de his tantum hominibus disponit, qui ad magistratus & officia gerenda vocantur, hos nimirum universos Augustanæ Confessioni addictos esse oportere. Neque etiam huic in contrarium à S. R^a M^{te} quicquam admissum est, pauci enim illi, qui

in

in Prussia Brandenburgica publicis officiis admoventur, siue illi Lutheranorum siue Reformatorum nomine veniant, uniuersim Augustanam Confessionem profitentur. Ut autem ex his, qui inter Augustanæ confessioni addictos Reformati appellantur, aliqui in Collegia Prusfiaca adsumerentur, ipsa necessitas urgebat, ut qui haud exiguo numero per illas terras accreuerunt Reformatae confessionis incolæ minus tergiversarentur, in causis suis & negotiis dictorum Collegiorum decisis & sententiis se submittere, si ea membris etiam suæ confessioni addictis constarent.

Quandocumque autem, quæ in iam dicto Re-cessu A. 1612. statuuntur, in eum finem unice tendunt, ut incolumitati provinciæ magis consulatur, & detrimento, quod ab administratione Regiminis, si ea hominibus à Lutherana Religione alienis conferratur, exoriri posset, occurratur, S. R^a M^{tas} autem hucusque eam moderationem hac in re provide adhibuit, quæ indigenis Lutheranæ Confessionis nullam ne minimam querelarum materiam præbuit; confidit S. R^a M^{tas}, serenissimum Regem inclutamque Rempublicam eâ æquitate fore, ut memores pactorum Velaviensium, quibus supremum dominium cum summa atque absoluta potestate in Prussiam Brandenburgicam, tam in sacris quam profanis, tenendum & exercendum Ei concessum est, Reges autem

autem & Regnum Poloniæ ab incolis terrarum Brandeburgo - Prusiacarum super hujusmodi causis *qualescunque querelas se non admissuros neque suscepturos sponponderunt*, hoc & similibus aliis interna & domestica terrarum Prusiciæ Brandenburgicæ concernentibus negotiis, ultra quam per Pacta licitum est, se non immisceant, eandemque Reverendissimi Primatis mentem etiam esse speratur.

Denique præcipuum, quod hic considerari & singulariter observari meretur, hoc est, quod in ipsis pactis Velaviensibus, eorumque articulo XVI. in fine, *Confessio Evangelico-Reformata in ipsa Prussia expressis verbis stabilitur, & vigore eorundem pactorum Republica Poloniæ allegato loco luculenter promissit*, “ *quod si aliquando Prussia Brandenburgica ad Poloniam reversura sit, nihil in detrimentum tum illius tum Lutherane Religionis attentandi fas licitumque futurum*; “ quo ipso effective non solum quæ in favorem Reformatæ Religionis in Prussia Brandenburgica *hactenus ordinata & introducta sunt*, verum etiam, quicquid *ultra usque ad ipsum caducitatis casum*, ordinari & introduci contigerit, *valida & inviolabilia pronunciantur*.

Ad 4^{tum}

In causa porro *Ecclesiæ Lisnoviensis*, ex his, quæ a Reverendissimo Primате afferuntur, abunde colligere est, non pervenisse ad ejus notitiam a S. R.

M^{te}

M^{re} jam pridem anno 1722. pro justitia suorum in hoc negotio hactenus actorum exposita, & Excellentissimo Regni Cancellario scripto tunc exhibita argumenta.

Apparebit exinde Reverendissimo Primati, si eam inspiciere placuerit, primordiam fundamentam hujus ecclesiae sub expressa lege & conditione factam esse:

Ut ad eam nunquam alius, nisi Augustanae Confessioni, ejusque juxta corpus doctrinae Prutenicum & Formulam Concordiae, pura nec ullo modo suspectae doctrinae addictus Pastor vocetur, in casum neglectae hujus conditionis, jure Pastorem ejusmodi vocandi, Serenissimo Concedenti disertis verbis reservato.

Concedet igitur haud dubie Reverendissimus Praeful, Jus Patronatus Lisnoviense, modum illud exercendi, & quicquid de eo controversiarum oriri potest, ex primordiali hac Juris Patronatus Concessione decidendum esse.

Ad normam & formam hujus Concessionis sequentibus temporibus non alii, nisi Evangelici sacrorum administri, hujus ecclesiae Pastores sunt constituti, id quod, si desideretur, in continenti probari potest. Cumque deinceps ao 1612. Vir primarius Catholicis sacris addictus, nomine Johannes Baro Berlevicius, pagum illum acquisivisset, ac pro eo Sigis-

D

mun-



mundus III. Rex Poloniæ tunc sceptrum gerens apud Electorem Johannem Sigismundum intercederet, ut nimirum dicto Persevicio Catholici ritus exercitium eâ in ecclesia indulgeretur, res per delegatos singulariter in eam Commissarios examinata, judicata & decisa est, nimirum:

Ut integrum de Ecclesia Lisnoviensi ejusque Pastore negotium in statu pristino relinquatur, neque circa illud quicquam immutetur.

Insuper sequenti anno 1617. idem Rex Poloniæ expresse & notanter declaravit:

Se in Religionis negotio nihil diversum a prioribus Pactis, Recensibus & Decretis constituturum.

Succedente tempore bona Leistenau in Capitaneum witusiensem, liberum Baronem de Bieberstein Orzechowski, & tandem anno 1684. ad Tribunalum militare, Strem, emtionis jure transiere, verum sub expressa & tabulis emtionis venditionis dicti anni 1684. inserta conditione:

Ut jus Patronatus ibidem in emtorem translaturum hic non aliter quam eo modo & jure, quo illud ipse venditor cum antecedentibus possessoribus tenuit, possedit & exercuit, tenere, possidere atque exercere valeat.

Qui quidem Contractus ab Electore Friderico Wilhelmo gloriosæ memoriæ 14. April: ejusd. anni expressis verbis confirmatus est.

Non

Non equidem negatur, nonnullos e dictis possesso-
ribus, ac nominatim Orzechovvium, an. 1674. sacerdo-
tem Religioni Romano-Catholicæ addictum ad eam
ecclesiam vocasse, idque etiam per aliquod tempus,
non equidem cum approbatione supremi territorii
Domini, ejus contrarium e confirmatione supra al-
legati Contractus anni 1684. manifestum est, sed uni-
ce per conniventiam Officialium Brandenburgico-
rum, tranquillitatem conscientiae in hujusmodi negotiis
Religionem concernentibus haud facile cuiquam in-
videntium, continuatum esse. An vero, & quousque
hujusmodi patientia contra concepta verba ante-me-
moratae primordialis Concessionis, & contra supre-
mi territorialis Domini in eam Ecclesiam competen-
tia jura Sacrorum & Ecclesiastica validum & perpet-
uum jus ecclesiae tribuere, tantæque in ea innova-
tioni justum titulum suppeditare valeat, ad orbis ju-
sti & æqui amantis judicium desuper fidenter provò-
catur, cum imprimis ipsa Pacta Velaviensia Art. xvi.
diserte præscribant & statuunt;

*Quod Exercitium Religionis Romano - Catholicæ,
prout ante bellum Suecicum ejus temporis vigere debue-
rat, restitui & conservari debeat.*

In templo vero Lisnoviensi exercitium istius Re-
ligionis ante hoc ipsum bellum nullo unquam tempo-
re vigere debuisset. Unde citra dubium A. 1674. &
sic longe post bellum Suecicum & post conclusa eo

finito A. 1657. p̄icta Velaviensia, Baro Orzechowski Pastorem Romano-Catholicum in ecclesiam Lisnoviensem tantum intrusisse dicendus est, quia omnino juxta sæpe allegatum primordiale Privilegium nullus alius nisi Augustanæ Confessioni addictus Pastor ad ecclesiam Lisnoviensem vocari ullo tempore debuit. Quod si diversum sentientibus Polonis in mentem veniat asserere, fas esse Patrono Catholico in Prussia Brandenburgica ecclesiæ Evangelicæ possessionem acquirenti, in eam suæ religionis exercitium, quod fecit Orzechowius, inducere, idem certe jus ex paritate rationis moderno ecclesiæ Lisnoviensis patrono Evangelicam religionem profitenti denegare nemo, quod speratur, sustinebit.

Cuncta hæc, quamvis adeo luculenta & firmo fundamento innixa agnoscantur, ut in contrarium quicquam allegari posse haud appareat; nihilominus tamen S. R. M^{tas} & obtulit identidem & adhuc offert, si quæ quomodocunque fundatæ exceptiones in medium offerri posse cuiquam videntur, consentire in omnia, quæ p̄icta Velaviensia Art. XVI. in eum casum exigunt & præscribunt, nimirum

ut ejusmodi controversiæ à Commisariis à Serenitate Sua Electorali ex utraque Religione pari numero constituendis componantur vel decidantur.

Cui consequenter justitiam adeo promptam & omni

omni partium studio vacuam administraturam se S. R. M^{tas} pollicetur, qua Poloniæ desideriiis abunde satisfiat.

Quanquam, cur Respublica Poloniæ huic negotio intercedere nitatur, nulla causa appareat. A partibus Velaviensibus jus fasque accersere adeo nullum potest, ut magis etiam earum vigore domestica negotia Prussiæ Brandenburgicæ respicere, querelasque inde super interno statu earum terrarum ad eam forte perferendas audire aut admittere, plane prohibeatur, quousque prædictæ terræ Prussiæ supremo Brandenburgicorum dominio subiectæ erunt.

Ad 5^{tum}

Ad gravamen, super propugnaculo Bollvercks-Schantz dicto, facilis est responsio, illudque à S. R. M^{te} optimo jure occupatum esse, prompta demonstratio; Nimirum sola inspectio Tractatus retraditæ Elbingæ Art. V. & situs, quem dictum propugnaculum occupat, rei abunde satisfaciet.

Dicto Tractatus Articulo statuitur, jus fasque fore S. R. M^{ti} Prussiæ, *integrum territorium* civitatis Elbingensis occupare & in possessionem recipere.

Quodsi verò locum, ubi memoratum propugnaculum positum est, recte inspicias, is ipsum est Elbingense territorium, unde porro irrefragabilis & meridiano sole lucidior consequentia elicitur, S. R. M^{tem}

Integrum territorium Elbingense secundum literam tractatus non occupasse, neque possidere, nisi una propugnaculum hoc teneat, nec ab alio detineri patiatur.

Neque magis vel minima specie juris obtendi potest, hanc Bollvvercks-Schantz partem munimentorum urbis Elbingensis facere, cum ab ea plus integro milliari distita sit, unde consequitur, non tanquam munimentorum oppidi, sed territorii, in quo sita est, partem considerari debere.

Hinc statim ab initio fortalitium hoc a parte Brandenburgicorum indubie occupatum, & præsidio Brandenburgico munitum fuisset, nisi id pro ratione illius temporis armis infesti, per vices tum Suedicus, tum Rusficus, denique Saxonicus miles insedisset.

Posteaquam vero diversæ illæ copiæ tandem fortalitio excessere, illudque vacuum reliquere, nullum omnino obstaculum apparet, quo S. R. M^{tas} Prusfiæ jure suo in universum Elbingense territorium, ex pacto cum Republica Poloniæ sibi quæsito, uti, & hoc quoque fortalitium ad dictum territorium perti- nens in suam potestatem redigere prohibeatur.

Præterea, cum in Tractatu retraditæ Elbingæ Art. V. disertis verbis cautum sit, ne qua fortalitia in territorio Elbingensi a S. R. M^{te}, quamdiu in ejus possessione futura est, noviter extruantur, dubio procul, ratione hujus Bollvvercks-Schantz, exceptio aliqua aut limitatio apponi debuisset, si ea mens supremo-
rum

rum Pacificentium tunc fuisset, ne illam quidem à S. R. M^{te} occupari debere, cujus tamen in Tractatu nullum ne vestigium quidem invenitur.

Quod ad Domum, Vigiliarum dictam, attinet, quæ jussu Sæ Ræ M^{tis} in suburbio quodam oppidi Elbingensis exstructa dicitur, tam in ipso oppido Elbingensi, & Regiomonti, quam Berolini, quæ illius sit ratio, accuratissime inquisitum fuit, nullibi autem ejusmodi Domus Vigiliarum Ræ M^{tis} Borussiae in suburbio aliquo Elbingensi, omni etiam adhibita diligentia reperiri potuit, nec unquam S. R. M^{tas} Borussiae ad illius exstructionem mandata dedit, aut de illa cogitatum fuit. Quo ipso non tantum hoc gravamen plane tollitur, sed reverendisimo D^{no} Primati exinde etiam apparebit, quam lubrico querelæ Elbingensium nitantur fundamento, & quantopere assistentia Dⁿⁱ Primatis abuterentur, si ille omnibus eorum querimoniis illico fidem ac assensum præbiturus esset, cum hominibus hisce nihil magis curæ cordique sit, quam ut Sæ Ræ M^{ti} Borussiae Gentis Polonicæ odium concilient, licet ad hoc efficiendum non nisi falsis & omni fundamento destitutis utantur argumentis.

Ad 6^{um},

De salis, quem vocant, Transmarini, quo nomine non minus illum, qui e provinciis S. Ræ Majestatis

tis Prusfiæ Magdeburgicis, quam qui e Gallia, Hispania & Scotia affertur, cum omnes æque per mare in Prusfi- am tum orientalem tum occidentalem deferantur, cen- feri æquum est, invectione tot diversis partim typo vul- gatis aliisque scriptis jam pridem ultro citroq; actum, eaque causa cum omnibus, quæ in contrarium ad- ducta sunt, præcipue in novissimo ex parte Branden- burgica edito scripto, cui titulus *ultima & finalis Demou- stratio*, adeo accurate ventilata & demonstrata est, ut inde fiduciam S. R^a M^{tas} Prusfiæ conceperit, fore, ut aut incluta Respublica Poloniæ in deductis acquies- ceret, aut si quod dubium adhuc superfit, quo in momento id singulatim positum esset, specificè de- monstraret, quo facilius ex parte S. R^a M^{tis} Prusfiæ ea difficultas eximeretur. Hoc autem neglecto, placuit Reverendissimo Primati, omnibus illis a parte Prus- fiæ allatis demonstrationibus & dilucidationibus, quasi nullæ unquam factæ essent, silentio dissimula- tis, vice responsi nihil aliud in suo de .11 Septembr. a. c. Memoriali, quam liberum transitum salis Hispani- ci & Gallici Elbingam denuo urgere.

Cuncta, quæ in memoratis scriptis pro Regia Prusfiæ intentione deducta reperiuntur fundamenta huc repetere nimis tædiosum foret.

Proinde Reverendissimus Primas haud invitus concedet S. R^a M^{ti} Prusfiæ, ut referendo se ad ibi de- ducta, eorum aliquot exemplaria denuo hic adjun- gere

gere satis ducat, petens, ut si quid a parte Reipublicæ Poloniæ ad ea replicari expediens videatur, cum R^a M^{te} Prusiæ quam primum communicetur. Neque deerit S. R^a M^{tas} mentem suam porro in eum modum explicare, ut inde novum documentum sui pro justitia & æquitate causæ studii, & in Rempublicam Poloniæ ipsumque Reverendissimum Primatem considerationis manifeste eluceat.

Interim rogatur Reverendissimus Primas, pro consummato suo iudicio sequentia momenta intentius expendere: nimirum in universis Poloniam inter & Prusiam conclusis pactis libertatem commerciorum & navigationis non uni soli parti, & in specie Regni Poloniæ subditis, in alterius, nempe Prusiæ dominio, sed utrique parti, scilicet tam Prusicis subditis in Polonica, quam Polonicis in Prusica ditione, reciproce & eodem per omnia jure concessam esse, & quod alterutra pars in alterius ditione, ratione commercii & navigationis, sibi deberi postulat, idem alteri vicissim concedere necessum habere. Quando itaque urbs Elbingensis S. R^æ M^{ti} in superiores suas Præfecturas salem suum transmarinum Hallensem transvehendum impedit, alienum sibi reputare non debet, si a S. R^a M^{te} salis transmarini ex Hispania & Gallia per suam ditionem invectione vicissim

cissim prohibeatur. Præsertim cum irrefragabiliter verum sit, & in continenti demonstrandum, Borussiae orientalis Dominos jam in XVI. & XVII. Seculo, & quidem non precario sed pro lubitu, & quoties e re ipsorum fuit, omnis generis merces, videlicet frumentum, oleum, lanam, hælec, ferum, & *in specie quoque sal*, per Elbingam, Doldstadium, indeque porro ad Præfecturas Preuschmarck & Preusch-holland, ipsa eadem via, quam modo Elbingentes intercludere & prohibere conantur, navigiis invexisse

Quod si per eam, quæ a S. R^a M^{te} Prussiae nunc sulcipitur, translationem salis transmarini Hallensis ad *superiorem regionem* Elbingensibus de lucro, quod ex eo facturi fuissent, si dictis Prusiacis Præfecturis & subditis salis Halensis copia facta non fuisset, sed ex urbe Elbinga de sale Hispanico & Gallico sibi porro prospicere necessum habuissent, aliquid decedit, nihil est, quod S. R^a M^{ti} exinde imputare, aut ut liberi commercii & navigationis expactis quæsitâ jura impugnare, nedum salis in usum dominiorum & subditorum S. R^a M^{tis} genus definire, aut ne sale Halensi in propriis suis Provinciis proveniente utatur, legem ponere rite queant.

Quisquis in re sua jure ex lege aut pacto sibi

sibi competente, utitur nemini facit injuriam; specialiter ne illi quidem, qui sperato aliquo lucro sic privatur, cum ejus tantum damni satisfactionem petere possimus, quod nobis in iis rebus inferitur, quæ ex *obligatione perfecta* nobis debentur; S. R^a M^{tas} & incluta Respublica Poloniæ autem, & multo minus oppidum Elbingense, nullum perfectum jus ex pactis probare possit, quod Borussia Orientalis incolæ in commodum & pro utilitate Elbingensium Sale semper Gallico aut Hispanico uti teneantur,

Quodsi igitur per usum Salis Halensis in Præfecturis Brandenburgico-Borussicis, Borussorum Occidentalium, Polonorum & Lithuanorum sperato sed non debito lucro aliquid decederet, vel etiam illi ex eo detrimenti quid vere caperent, illud tamen pro damno non reputandum, neque hoc S. R^a M^{tu} Borussiae magis attribuendum esset, quam qui in fundo suo puteum aperuit, quin amplius vena ad vicinum perveniant.

Porro non opus est multis exponere, universis in Orbe Regnis & Rebuspublicis quotidiano usu stabilitum, iustum & laudabile haberi, si quis Status de necessariis intra suam ditionem arte vel natura paratis, suis provinciis prospicere, earumque copiam suppeditare possit, ut ejusmodi mercimo-

nia ex aliènis terris illuc fortè inferenda sub poenis gravissimis prohibeat, cujus rei in ipsa Polonia exempla existunt, cuncta verò in ante memorata Deductione, *ultima & finalis Demonstratio* &c. inscripta, multis verbis luculenter exposita habentur.

De cœtero à sublimi prudentia & consummato judicio, perinde ac a propensa in æquitatem rei & quibus sustinetur rationibus, laudabili Reverendisimi Primatis intentione sperare æquum est, dummodo pauca illa in præsentia per compendium adducta attente considerare in animum inducat, facile deprehensurum, qui ab Elbingensibus desuper cietur clamorem totum vanum & fundamento vacuum esse; dumque S. R^æ M^{ti} libertatem commercii & navigationis, ratione Salis Transmarini Halensis, impugnant, ab eadem, ratione Salis Transmarini Gallici & Hispanici, idem illis vicissim negari fas esse; neque indemnificationem illos petere posse ob negotium, in quo nulla juris eorum realis læsio existit: denique S. R^{am} M^{rem} Borussiae à nemine argui posse, si beneficiorum à Deo & Naturâ Sibi suisque Provinciis concessorum copiam suis terris & subditis pro necessitate faciat, neque eadem cum dispendio distrahendæ e suis Provinciis pecuniæ aliunde invehendi ab Urbe Elbingensi legem sibi præscribi patiatur.

Ad 7^{mum}

Articulus persolvendæ a Colonis Elbingensibus Capitationis, a Reverendissimo Primate utpote capite Cleri Romano-Catholici in Poloniâ, tanto minus, uti spes est, urgebitur, quântò magis Eum decet, pro eo, quo affectus est Christianæ miserationis in egenos & exhaustos homines, animi sensu, in diminutionem potius & sublevationem ejusmodi onerum dictis Colonis, pluribus inundationibus & aliis calamitatibus per hoc tempus jam satis afflictis, largiendam inclinare, quam eosdem magis aggravatos cupere.

Idque respectu S. R. M^{tis} vel ideo æquius & pernecessarium habetur, quia exigua summa, quæ ab his inopibus ad illam collectionem conferenda foret, proventibus S. R. M^{tis} e territorio Elbingensi assignatis utique decederet, indeque debitum, cujus causa Elbinga a Republica S. R. M^{tis} obligata est, magis accresceret.

Plane quandoquidem per literam Tractatu retraditæ Elbingæ expressam universus ususfructus solitus Territorii Elbingensis, sine restrictione ad solos urbis redditus, S. R. M^{tis} scripto concessus est & traditus, consequenter illa etiam, quæ e dicto territorio ad Rempublicam redire consueverant, illuc

computanda veniunt, præcipue cum ne sic quidem expleantur, sed longe infra justam summam cadant, quæ S. R. M^{ti} per iegem dicti Tractatus secundum jus & æquum ex eo territorio legitime percipienda debentur.

Ad 8^{um}

Sequitur a Reverendissimo Primate adducta querela, quam *violentissimas hominum per milites Brandenburgicos abductiones* appellare placuit. De ea vero S. R^a M^{tas} Reverendissimo Primate asseverat, quanto magis hanc accusationem contra se a parte Poloniæ summopere exaggerari & validissime urgeri animadvertit, non alio fine, nisi ut gentis Poloniæ sibi amicissimæ odium in se provocetur, tanto magis seriam & impensam operam se quam cupidissime daturam, ne desuper ulla conquerendi materia Poloniæ porro supeditetur.

Et principio quidem testatur S. R^a M^{tas}, huiusmodi hominum ad militiam coactiones nec imperatas unquam, nec a se approbatas, sed sub pœnis admodum severis potius cœercitas, aut si quid tale nihilominus commissum, & quod in tali casu omnino requiritur, evidenter probatum demonstratumque fuerit, in reos summo rigore animadversum, ipsosque per vim abductos

ho-

homines liberos dimissos fuisse. Constat præterea S. R^a M^{ti}, si quando aliqui suorum in ditione Polonica aliquem intercipere conati sunt, a subditis Polonicis quam pessime exceptos, & adeo severa ultione repressos fuisse, ut idem iterum tentandi animum abjecisse merito censendi sint. Cumque talia haud ægre dissimulaverit S. R^a M^{tas}, nec eapropter ulla in Poloniam querelas detulerit, irrefragabili argumento testatum facit, adeo non placere sibi ejusmodi tentamina, tamque longe ab iis fovendis se abesse, ut ea potius quam maxime detestetur.

Enimvero, si quos aliquando, quod perhibetur, e ditione Polonica tali modo abductos homines libertati restitutos non fuisse contigit, procul dubio unam ex sequentibus causis intercessiss^{is} apparebit: aut enim hi ipsi, qui ejusmodi violentiam in ditione Polonica exercuisse accusabantur, nominatim designari, aut quarum copiarum sodales existerent, & quorum illi prætenste per vim abducti homines delati essent indicari non potuit: aut etiam ipsum factum accusatæ violentiæ, ex eo quod forte res longe aliter gesta esse potuerit, iusta sufficientique probatione destitutum fuit: aut denique hi ipsi, qui per vim abducti prætendebantur, ultro & libere in stipen-

stipendio manere se velle declararunt, & quæ præterea aliæ circumstantiæ oriri possunt, quibus status causæ alteratur & diversam faciem acquirit.

Quoniam vero haud falso colligitur, tum Reverendissimum Primatem, tum universam gentem Polonorum vehementer desiderare, ut hoc negotium pro futuro ejusmodi legibus, quæ omnem querimoniarum causam & materiam amputent, circumscribatur, utque S. R^a M^{tas} exinde nullis amplius ambiguarum aut plane confictarum imputationum molestiis oneretur, neque dissidiorum & diffidentiarum semina inter confines populos ultra spargantur, his omnibus, si quæ jam pullularunt, discordiarum germinibus antequam altiores radices agant præcidendis, & quamprimum penitus extirpandis, hunc modum sincero animo proponit S. R^a M^{tas}, ut nimirum utrinque a Polonica & Prusica parte Commissarii nominentur, qui sine mora in unum conveniant, & hoc legendorum ad arma hominum negotium justis conventionibus ita definiant, & præcautionibus necessariis muniant, ne hujusmodi fastidia unquam excitari amplius valeant. Ad eundem modum cum S. R^a M^{te} Poloniæ, ratione suarum Saxonicarum Provinciarum, bona utrinque

voluntate eadem res placide composita est, cunctisque antehac hinc inde sæpius excitatis querelis finis impositus, ut earum nihil ultra exaudiat.

Haftenus dicta pro confutandis & amolendis, à Reverendissimo Primate in suo Memoriali de 11. Septembr. contra S. R^{am} M^{tem} Prussiæ propositis gravaminibus, idque breviter quidem sed solide & firmissimis argumentis factum esse eo usque confiditur, ut universi orbis æqui bonique amanti, dextri talium æstimatoris iudicium non reculetur neque ambigatur, neminem quisquis ille sit, dummodo sinistrarum in S. R^{am} M^{tem} præ-occupationum vacuus, existimaturum, in ullo prædictorum Articulorum vim aut injuriam Reipublicæ & Nationi Polonæ à Se illatam esse, eoque nomine se ad reparationem teneri.

Illud vero plane inexpectatum S. R^æ M^{ti} visum est, quod in eodem Memoriali suo Reverendissimus Primas jurium & libertatum subditis S. R^æ M^{tis} Prusiacis ab antiquo competentium, earumque, ut ipse opinatur, læsionis mentionem injicere sustinuerit.

F

Per-

Persuasa est S. R^a M^{tes}, nihil tale indicari posse, quamvis mutatis temporibus status etiam mutationem in provinciis absoluta necessitas evincat, insuperque vigore supremi in sua portione Prusiae acquisiti Dominii S. R^e M^{ti} haecenus jus fasque abunde competat. Certum est S. R^e M^{ti} (neque aliud ipsa Pacta Velaviensia loquuntur) *ad Rempubicam Poloniae non pertinere, quicquid mutationum in Prussia Brandenburgica contigerit, & quod talis modi querelae ad Regem Regnumque Poloniae nullo modo deferri, aut ab eis admitti debeant, & consequenter manifesta violatio conventionis & pactorum Velaviensium committeretur, si quis in Polonia internis negotiis Prusiae Brandenburgicae se ingerere, & magis etiam, si injurias publicas inde elicere, eaque de causa reparationes & satisfactiones a S. R^a M^{te} postulare animo concipiat.*

De caetero, quod à S. R. M^{te} Poloniae petit Reverendissimus Primas, *ut pro exigenda satisfactione de injuriis à S. R. M^{te} Prusiae Regno Poloniae illatis convocazione generali Nobilitatem ad arma excitet, S. R. M^{tem} ad declarandum, Pacem ne? an bellum velit? cogat, reasumptionem limitatorum Regni comitiorum generalium jubeat,*

S,

S. R. M^o suadeat, pro Disfidentibus in Polonia cum lenitate & moderatione, non per abruptas & violentas extremitates intercedere, aut, nisi ista fiant, Reverendissimum Primatem necessitate rei adductum per modum Repressaliarum Tempa Evangelicorum in Polonia obsignaturum, Pastoresque illis præfectos sequestraturum, declarat S. R. M^{tas}, se nullius in Rempublicam Poloniæ inclutamque gentem commissæ injuriæ sibi consciam esse, exempla a Reverendissimo Primате in Memoriali suo exposita præsentis scripto solide refutata esse persuasum habere, & si cuiquam in Polonia adhuc aliquod dubium superesse videatur, ad disceptationem ex præscripto Pactorum per nominatos utrinque Commissarios mandatis congruentibus munitos descendere, eorumque definitionem, aut si id potius habetur, exterorum Principum, singulariter Coronarum Galliæ & Magnæ Britanniæ interpositionem & officia admittere se paratam esse.

Quod ad generalem Nobilitatis ad arma evocationem attinet, ejus liberam potestatem penes S. R. M^{tem} & Rempublicam Poloniæ S. R. M^{tas} esse agnoscit, se vero de hujusmodi violentis modis ingentem Polonam æterno pacto sibi conjunctam ne cogitasse quidem, sed constans immotumque

propositum tenere, cum universa Natione & Republica integræ amicitiaë & bonorum officiorum consuetudinem colere, neque pati, ut quæ inter utramque partem forte versantur leviores & minoris momenti controversiæ, in collisiones & vias facti erumpant: potius autem in eo esse, ut prædictæ controversiæ eo, quo supra propositum est, modo tollantur; Multum in hoc conferet reassumptio comitiõrum, neque alia unquam mens & intentio fuit tum S. R. M^{is} tum reliquorum Principum Evangelicorum, qui suorum in fide consortium afflictum in Polonia statum in animum admittunt, quam ut totum Dissidentium negotium, ceu inter Christianos fieri æquum est, non nisi cum omnimoda mansuetudine, lenitate, & qualem pro Regno tantâ potentiâ, quâ eminet Polonia, habere par est, consideratione tractetur, procurare, & ut id consequantur, in omnia reconciliationis media, expedientia & temperamenta, quæ nec Juribus Reipublicæ, neque gloriæ & honori Gentis vel minimum deterant, consentire.

Epistolæ, quas ad S. R. M^{tem} Poloniæ in negotio Thorunensi S. R. M^{tas} Prussiarum perscripsit, in omnium manibus sunt.

Judicet

Judicet ex illis quisquis volet, an verbum ullum, quod S. R. M^{te} aut Reipublicæ Poloniae abruptas & violentas extremitates minetur, illis contineatur. Utraque epistola non nisi consuetis in talibus casibus & moderatis repræsentationibus absolvitur, neque memoriale ullum aut aliud quidquam a S. R. M^{te} aut Ejus Ministris Status Variaviæ produci potest, quod belli intentionem aut rupturæ cum Polonia præferat.

Nec minus veritati contrarium est, quod à nonnullis traditur, Sam^m nimirum R^{am} Maj^{tem} Borussiae, si non ipsam ob negotium Thorunense minas Polonis intentasse, tamen alios Evangelicæ religioni addictos Reges Principesque instigasse & commovisse, ut non tantum injuriosa & contumeliosa in Gentem Polonam verba proferrent, sed in eventum etiam Coronæ Poloniae ob causam Thorunensem vim & bellum inferrent, Eamque armis aggredierentur. S^a R^a Maj^{tas} autem ratione harum imputationum libentissime libereque se ad ea refert, quæ inter Eam ac præmemoratas Potentias Evangelicas hoc in negotio acta & gesta sunt, utpote quæ unicè semper eò respexerunt, ut illud placidis repræsentationibus mitibusque consiliis amicabiliter componeretur, ita ut nunquam violenta ac inimica ejusmodi media, multoque minus debellatio Gentis

Polonæ Ei in mentem venerint, aut consilia eò tendentia cuiquam fuerint suppeditata vel proposita.

Quæ cum ita sint, nulla caula apparet, cur Reverendisimus Primas Repressaliarum minas, per obsignationem templorum Evangelicorum in Polonia, & sequestrationem ministrorum eas curantium, legitime intentare possit. In Prussia certè in hunc diem ne facellum quidem, multo minus Ecclesia Catholici ritus intercepta, neque sacerdos quisquam pulsus aut sequestratus est. Unde *non Repressalia, sed aggressio & manifesta injuria* dicendæ essent, quas in Memoriali suo Reverendisimus Primas innuit, viæ facti, si in eas erumpere, & pridem *ultra modum pressis in Polonia Evangelicis* majorem afflictionem addere in animum inducat. Talia vero a sublimi prudentia, pietate & pacis studio, quorum eximia documenta passim exseruit Reverendisimus Primas, longe aliena esse, unusquisque imprimis autem S. R^a M^{tas} Prusiæ perfecte & quam certissime persuasum habet,

Sequun-

*Sequuntur Literæ a Rege Poloniae ad Regem Borussiae, &
a Rege Borussiae ad Regem Poloniae, super negotio
Homagii utrique Regiomonti præstandi.*

FRIDERICUS WILHELMUS REX BORUSSIAE

&c. &c.

CUm pro ratione Negotiorum Nostrorum tempus præsens opportunum videatur, quo in Regnum nostrum Prussiae iter faciamus, de eo M^{tem} V^{ram} certiozem reddere, Eidemque simul significare volumus, ad recipiendum à subditis Nostris jam dicti Regni Homagium diem decimum proximi mensis Septembris præfixisse, & sicuti juxta tenorem pactorum Bydgoskiensium vicino Poloniae regno ac Republicæ Homagium etiam eventuale à Statibus Prussiae præstandum est, ita nulli dubitamus, quin M^{tas} V^{ra} eo rem dirigere velit, ut pro conservatione istius juris Deputati nomine M^{tis} V^{rae} & Republicæ Regiomonti eodem tempore nobiscum præsentés adsint.

Occasione hac M^{tem} V^{ram} celare non possumus, quanquam Ipsamet una cum sanioribus rectèque sentientibus Republicæ Poloniae Membris quoad Regiam N^{ram} Dignitatem æquissima ratione Nobis satisfecerit, nihilominus unum atque alterum inveniri, prout fama

G

fert,

fert, qui proprii commodi stimulo & Reipublicæ veri communisque boni planè oblitus, circa agnitionem Tituli Regii Nobis competentis difficultates prorsus inutiles movere conatur. Satis jam superque literis declaravimus, accepta à piè defuncto Domino parente Nostro Dignitate Regia, pactis perpetuis, quæ M^{tem} V^{ram} & Rempublicam Polonam Nobiscum arctè conjungunt, vel minima in parte derogatum iri nequaquam Nos cogitare, quin potius ista facta tecta que servare Nobis firmiter constitutum sit. Quemadmodum autem per superius adducta, & imprimis per ejusmodi reversales, omnis causa sollicitudinis penitus sublata est, & Regia quoque Dignitas, ad quam manutenendam Deus Ter Optimus Maximus vires atque media nobis concessit, à nemine nisi apertis hostibus antehac in dubium vocata fuit, hi ipsimet verò vi subsecuti de pace Tractatus Ultrajectini justissimo huic postulato Nostro plenè satisfecerint, ita tanto minus nobis ratio superest, vicinæ amicæque & singulariter dilectæ Genti, cujus commoda omni modo promoveri nobis cordi est, & quæ cum Majores Nostri tam arcto nexu colligati fuere, cui pariter quoque indissolubili foedere addictos Nos fore animum induximus præsentis occasione, vel quoad minimum diffidere, imo ipse freti indubia confidimus, M^{tem} V^{ram} in eo quod Nobis tam justè pollicemur, adstipulantem de perficiendo

endo hoc negotio, operam necessariam pro muneris Regii autoritate navaturam esse, ut supradicti Deputati non solum iusto tempore, sed etiam sufficienti mandato ejus tenoris, uti dignitas Nostra requirit, instructi Regiomontum adveniant, ibidemque tanquam amici à Nobis queant recipi & admitti. Quod si etenim præter omnem spem alia ratione isthuc venerint, de iis non admittendis certo Nobis constitutum est, atque tunc non præstiti eventualis Homagii neglectio illis ipsis, qui tam æquum oblatum Nostrum recusant, & neutiquam Nobis imputandum erit.

Cæterum conficiendo actui renovationis Patrum cum M^{te} V^{ra} prompti etiam paratique sumus, (modo in eo quoque Regiæ Nostræ Dignitatis ab eaque dependentium prærogativarum iusta habeatur ratio) M^{tem} V^{ram} certissimè persuasam esse cupientes, nullatenus Nos defuturos in iis omnibus, quæ ab amico sincero & foederato M^{tis} V^{ra} ac inclytæ Reipublicæ desiderari unquam possint. Cui perennem incolumitatem & faustissima rerum incrementa animitus apprecamur. Dabantur Berolini die 28. mens. Maji, anno reparatæ salutis M DCC XIV. Regni Nostri secundo.

Ad Regem Poloniae.

FRIDERICUS WILHELMUS REX BORUSSIAE

&c. &c.

Renunciatum Nobis est, nonnullos, qui rebus Nostris in Polonia adversantur, & illam, quæ inter Eandem & Nos hæctenus floruit amicitiam quocunque modo turbari cupiunt, in sinistram valde, & quæ omnino Nobis invidiosa est, partem interpretari literas, quas die vigesima octava præteriti mensis Maji ad M^{tem} V^{ram} dedimus, & quibus Eidem diem ad recipiendum in Borussia Nostra Homagium constitutam significavimus.

Scilicet asserere illos comperimus, non alia mente aliove consilio Nos scripsisse istas literas, quam ut Maj^{ti} V^{rae} & universæ Republicæ minaremur, atque hanc ad agnoscendum Regiæ Nostræ Dignitatis fastigium injecto metu veluti perpelleremus: Quo ipso satis prodidisse dicimur animum Nostrum M^{ti} V^{rae} & inclytæ Genti Polonicæ minus faventem, adeo planè, ut ista omnia, ubi bene perpensa fuerint, Eidem non nisi graviter suspecta esse possint.

Quan-

Quantumvis autem experientia priorum temporum abundè testetur, pie defunctum Parentem atque Avum Nostrum, imo Nosmet ipsos rerum ejusmodi falsarum & ab omni veritatis specie alienarum per homines Domus Nostræ osiores & inimicos quam sæpissimè insimulatos fuisse: Fatendum tamen nobis est, recentem hanc imputationem eo magis gravem molestamque Nobis fuisse, quo statim ex quo rerum potiti sumus, nihil prius nihilque antiquius habuimus, quam ut foedera immortalia, quæ Domus Nostra cum M^{te} V^{ra} & Republica Poloniæ Magnoque Ducatu Lithuanix olim iniit, rata Nobis omni tempore religiosaque essent, hoc effectu, ut non modo omni qua possumus cura studioque coleremus spectatam illam amicitiam & conjunctionem, quæ rebus non minus secundis quam adversis Domui Nostræ cum Republica Poloniæ à tot retro annis intercessit; Verum etiam, ut eandem ulteriori eoque tam firmo & indissolubili nexu firmaremus, ut nihil humani unquam mutuam hanc benevolentiam immutare aut imminuere posset.

Nec arbitramur quicquam in literis Nostris superius memoratis extare, quod in contrariam partem trahi possit; Totum enim earundem argumentum in eo versatur, promptos paratosque Nos esse, Pacta illa

inter Domum Nostram & serenissimam Rempubli-
cam antiquitus sancita renovare, ac Deputatos, quos
M^{tas} V^{ra} ad Actum Homagii Regi Regnoque Polo-
niæ in eventum præstandi ad Nos ablegare vellet, lu-
bentissimè admittere, petere etiam, ut ad utrumque
actum more Majorum celebrandum, M^{tas} V^{ra} Nobis-
cum convenire, neque inani quæsitæ Domui Nostræ
Regiæ Dignitatis prætextu ab eo se retineri pati velit.
Qua in re tantum abest, ut quicquam M^{ti} V^{ra} & Rei-
publicæ grave & ingratum latere possit, ut potius eo
ipso omnibus, quæ post obitum Divi parentis Nostri
à Nobis, tanquam suæ M^{tis} successore, in Polonia ex-
pectari poterant, abunde nos fatisfecisse credamus.

Id quidem per easdem literas monere non du-
bitavimus, ut in utroque hoc æctu, quo Homagium
præstari & pacta renovari debent, Dignitatis Regiæ,
qua insigniti sumus, ratio habeatur, nec quicquam
à Nobis exigatur, quod Ei detrimento esse possit.
Enimverò existimavimus nullo negotio id Nobis
concessum iri, posteaquam Regia dignitas Domui
Nostræ illata per universam, qua patet, Europam
agnita fuit, adèd quidem, ut jam parem cum emi-
nentissimis quibusvis regibus locum occupemus, ac
pari cum iisdem honore fruamur. Speravimus in-
super rem tanto expeditiorem fore, quo Divus pa-
rens

rens Noster quovis tempore professus fuit, se eo qui maxime convenire judicatus fuerit, modo securitatem Reipublicæ Polonicæ super hac re præstituram esse, scilicet cavendo, ne Regia Nostri Dignitas de Juribus, quæ M^{ti} V^{rae} & Reipublicæ tam in Borussia quam alia ratione competunt, quicquam decerpatur, verum illa salva semper, sacra, integra intactaque serventur.

Quæ cum ita sese habeant, M^{tem} V^{ram} fraternè atque enixè rogamus, ut non solum Ipsa de sincera nostra erga Eandem & Illustrissimam Polonorum Gentem voluntate ac bonæ vicinitatis leges in perpetuum colendi studio certò persuasa esse, verum etiam animos illorum, qui in Republica de Nobis consiliisque nostris sinistre sentire solent, ad meliorem opinionem perducere velit.

Nihil enim M^{tis} V^{ra} de candido Nostro erga Rempublicam adfectu, amore atque amicitia, nomine nostro eidem sponderit, quod nobis non sit toto corde gratum & acceptum, & in quo M^{tis} V^{rae} omni tempore & oblata occasione non simus liberaturi fidem.

De cætero, cum ad Homagium in Borussia suscipiendum omnia jam dum præparata sint, nobisque proposuerimus iter nostrum in Borussiam Deo adjuvante brevi inire, nulli dubitamus, quin Deputati, quos M^{tas} V^{ra} huic Actui inter se volet, de quem præstituimus, ibidem nos convenient mandato congruo instructi, tum quoad Regiam dignitatem nostram, & quæ ad ejusdem decus & honores pertinent, tum quoad reliqua momenta, adeò ut universum negotium celeriter & ex utriusque partis animi sententia confici queat.

Quod attinet ad Pacta renovanda, ejusdem adhuc sumus sententiæ, quam ad M^{tem} V^{ram} hanc in rem jam perscripsimus, rati, eo ipso omnibus illis quam amplissimè à Nobis satisfieri, ad quæ hac in parte ullo modo obstructi censi possumus, certa spe freti, M^{tem} V^{ram} Inclytamque Rempublicam sua etiam ex parte pari adfectu & in pactorum legibus adimplendis sollicitudine nobis responsuram esse.

Deus O: M. M^{ti} V^{re} prosperam valetudinem ac ad omne votum & invidiam usque florentem fortunam largiatur. Dabantur die 4. Augusti, anno salutis M DCC XIV. Regni Nostri secundo.

Ad Regem Poloniae.

FRI-

FRIDERICUS WILHELMUS
 REX BORUSSIÆ
 &c. &c.

CUm Ablegato Nostro Extraordinario, de Löllhöffel, mandatum dederimus, ut protinus Varfaviâ ad Maj^{tem} V^{ram} appropinquaret, gratulaturus Eidem ex parte Nostrâ felicem intra ditiones Regni sui Poloniae reditum, non quoque hac occasione Maj^{tem} V^{ram} celare duximus augescen-
 tem jam spem Nostram, ipsâ Ejusdem intra limites dicti Regni præsentia effectum iri propediem, quò communium in præsentì votorum Nostrorum cardinem comprehendere credimus, scilicet ut maturetur expeditio Legatorum, qui nomine Maj^{tis} V^{rae} & Republicæ unâ, dum Nos ab Ordinibus Regni Nostri Prussiae Homagium consuetum decima mensis Septembris præsentis anni recepturi sumus, ab iisdem & eventuale ad tenorem foederis Nostri perpetui recipere quirent.

Per-suasissima fane Maj^{tas} V^{ra} ipsaque Inclÿta Respublica esse possunt, non quidquam sanctius inter curas Nostras esse, nisi eam, quam beatissimæ memoriae Prædecessores Nostri amicissimæ Genti semper intaminatam præstarunt Pactorum mutuorum

H

fidem,

fidem, ex Nostrâ etiam parte salvam quoque & incolumem usque eò præstare, ut si quid justî applausus gratique animi ex communi inde Gentis satisfactione illi meruere, Nos gloriæ Nobis ultimæque voluptati ducturi simus, & abundantiori adfectu & officiorum, si datur, pleniori promptitudine & realitate tam erga M^{tem} V^{ram} quam erga illam demereri. Satisfecimus jam expectationi publicæ & Nostræ huc adusque obligationi, ~~om~~ primas Pactorum leges adimplendo ad destinatum prædicti Homagii Actum literis, 28^{va} mensis Maji ad M^{tem} V^{ram} datis, Ejusdem Inclytæque Reipublicæ Deputationem pro observando simul competenti jure suo maturari expetiimus, paratumque animum Nostrum ad perficiendam fœderis perpetui solitam confirmationem declaravimus. Quas igitur sincerrimæ voluntatis religionisque candidas primitias cum & hisce denuo offerimus, pari semper ~~se~~ atque studio, & quæ subsequentiæ temporum ratio à Nobis exiget, expleturi, vicissim confidimus, Inclytos Reipublicæ Ordines, præeunte tam gloriose tamque feliciter M^{te} V^{ra}, non absimili quoque erga Nos benevolentia certaturos, atque ex hoc auspiciatò mutuorum affectuum officiorumque certamine tam in publicum sortem proventuram, quam Superi rectis ad invicem intentionibus parare sueverunt, quæve & Nos regnantes innumeris benedi-

nedictionibus cumulabit, & populos utriusque Regni longæva firmabit felicitate. De cœtero M^{ti} V^{ræ} omnigenæ prosperitatis successuumque ex voto continua incrementa ex animo apprecantes. Dabantur Berolini, die XI. Augusti, Anno à Nato Christo M DCC XIV. & Regni Nostri secundo.

Ad Regem Poloniæ.

Augustus Secundus Dei gratia
Rex Poloniæ &c.

Significationem Maj^{ti} V^{ræ}, propositum discenden-
di in Prussiam, ibique die decima Septembris
anni præsentis solennia inaugurationis suæ per-
agendi continentem, quemadmodum sensi-
bili recepimus animo, ita non sine anxietate ejusdem
fateri cogimur, quod non explorato in publico
congressu Ordinum Republicæ consensu univer-
sali, Catheticum ac positivum responsum nequea-
mus citius Maj^{ti} V^{ræ} dare, nisi post convocationem
præfatorum Ordinum Republicæ ad Comitata Gene-
ralia, in quibus, cum hujusmodi importantiæ nego-

tia ad universos Status spectantia ab universis finaliter soleant resolvi & expediri, in legitima & probante forma, qualescunque demum alii particulares privatarum personarum, imo etiam unius Ordinis, non conjunctim cum reliquis sive favorabilis sive contrarii sensus, vel demonstrationes civilitatis in consequentiam agnitionis, seu derogationis Tituli alieni trahi, vocabuloque hostium pro zelo jura patriæ defendendi minime nominari, multò minus censerì pro talibus possunt: Nihilominus firmiter Maj^{tem} V^{ram} certificatam reddere volumus, primario super hoc, quod ex parte nostra & totius Reipublicæ omnem congruam propensionem ad conservanda secum jura fœderatæ amicitiaë toties experietur, quoties placitum fuerit Maj^{ti} V^{ræ}, inchoatam nuper Berolini per Magnificum Joannem Przebendovvsky, supremum Regni Thesaurarium, Plenipotentiarium Nost^{rum} & Reipublicæ sufficienti instructione munitum, juxta gradus in eadem præscriptos Tractationem denuò reassumere, ac cum plenariâ Reipublicæ satisfactione concludere per Tractatum novum, cum remotione veterum. Deinde super hoc Maj^{tem} V^{ram} tempestive præcautam esse cupimus, quod casu, quo Commissarios Nostros & Reipublicæ pro termino destinato, ad recipiendum eventuale Homagium à Statibus Prussiaë, primario ob non præmis-

sum

sum prius dictum novum Tractatum cum Maj^{te} V^{ra} tum propter difficultates præsentium temporum, aut alia justa & rationabilia obstacula, non contingeret venire, ut talis transmissio tanquam non studiosa & quæsita ac per se innocua, imo alterius partis impedimento causata, ad præsens & in futurum pro innoxia habeatur, nullumque præjudicium Juribus Regni Nostri in casu eventualitatis sit allatum, utpote commodiori alio tempore compensanda, aut ex re & utilitate ejusdem Reipublicæ suis loco & termino implenda. De cœtero Maj^{ti} V^{rae} omnigenam prosperitatem à Deo precamur. Dabantur Rydzynæ, die XVIII mensis Augusti, anno Domini M DCC XIV, Regni vero Nostri XVIII Anno.

Ad Regem Borussiae.

Augustus Secundus Dei gratia
Rex Poloniæ &c.

INtercedens amicitiae cum M^{te} V^{ra} apud Nos obtinuit ratio, ut Ablegatum Ejus Extraordinarium de Löllhöffel à Lövvensprung in conspectum Nostrum admiserimus, literasque die XI

labentis Berolini datas receperimus: Quibus contenta de reditu in Regnum Nostrum gratulatoria vota uti pleno gratitudinis sinu complexi sumus, ita non minori grati animi sensu eam integri affectus M^{tis} V^{rae} erga Nos & Rempublicam excepimus contestationem, quā M^{tas} V^{ra} Prædecessorum suorum insistendo vestigiis, vivam memoriam, rectam æstimationem, & justam recognitionem particularis erga Serenissimam Domum suam Regni hujus propensionis continuis probatæ argumentis & effectibus conservare dignatur, eandemque in occurrentibus occasionibus ipsa realitate testari intendit: Unde certam reddere possumus M^{tem} V^{ram}, ejusmodi gloriosis mediis Nos & Ordines Regni ad omnimodam reciprocationem pertractum iri. De cœtero ad Notificatorias die 28. mensis Maji scriptas, datis jam ad easdem Responsoris Nostris, ad præsens nihil superaddendum æstimantes, M^{ti} V^{rae} omnigenam prosperitatem à Deo precamur. Dabantur Ridzyna in Majori Polonia, die XXXI mensis Augusti, anno Domini M DCC XIV. Regni verò Nostri XVIII. Anno.

Ad Regem Prussiae.

FRI-

FRIDERICUS WILHELMUS REX BORUSSIAE

&c. &c.

CUm M^{tas} V^{ra} Litteris suis 18^{ta} Augusti ad Nos scriptis difficultates Nobis exponere voluerit, quæ ipsi impedimento fuere, convocatô Ordinum Reipublicæ Consilio Legationem suam ad recipiendum hic unâ Nobiscum suo & inclytæ Reipublicæ nomine suctum per Fœderis Tabulas ab Ordinibus Regni Nostri Borussix Homagium eventuale decernere, Noster etiam apud Eandem Ablegatus Extraordinarius, Löllhöffel de Lövensprunck, recentioribus eâ de re à M^{te} V^{ra} ad Nos allatis literis plenius Nos edocuerit, è re communi visum Nobis fuit, Maj^{ti} V^{rae} hisce amicè & fraterne testari, prædictum illud Juris Sui atque ipsius etiam Reipublicæ in hoc casu exercitium non minus molestum dolorique Nobis fuisse, quàm ardens votum nostrum fuerat, adveniendi illi Legationi propensionem nostram sincerrimam in facilitandis promovendisque amicissimæ Gentis commodis luculentius pandere, prout etiam, ut hæc fors optata Nobis obtingeret, Nos officio nostro ad præscriptum Pacto-

rum

rum nulla in parte defuimus, quin imo, dum jam primis Invitatoris Nostris die 28^{ta} Maji ad M^{tem} V^{ram} datis, quibus Eidem constitutum Homagii terminum ad diem decimum mensis præf. Septembris significaverimus, illud abunde implevisse certum esset, ex superabundanti adhuc secundas Invitatorias de dato XI^{ma} Augusti in eundem finem M^{ti} V^{ræ} insinuari fecimus, præfatumque Ablegatum Nostrum Extraordinarium non alia de causâ, post felicem M^{tis} V^{ræ} intra fines Regni sui reditum, ad Eandem Varavia Rydzynam excurrere iussimus, quam ut illam, quam literis ab Eadem maturari expetivimus, Legationem ipse etiam cum debito erga M^{tem} V^{ram} cultu coram oretenus urgeret.

Cum verò cardo rei in eò jam versetur, ne, dum Actum Nostrum Homagii ob imprævisa & tantum non in ipso termini articulo incidentia Reipublicæ obstacula non concurrentibus M^{tis} V^{ræ} & Reipublicæ Legatis, Nobis id summopere dolentibus, hodie expediri contigerit, illa Legationis ex parte M^{tis} V^{ræ} & Reipublicæ absentia ipsorum Juri in Pactorum legibus fundato fraudi sit aut detrimento, prout etiam M^{tas} V^{ra} literis suis die XVIII Augusti ad Nos datis in casum illum id sollicitè præcavere, in eundemque finem ipsam illam absentiam tanquam non studiosam

diōsam & quæſitam, ſed per ſe innocuam & non niſi per temporum horum difficultates cauſatam declarare, muneris ſui Regii Paternæque ad conſervanda Reipublicæ Jura curæ ſuæ duxerat; Nos innatâ Domus Noſtræ æquanimitate, indelibilique ad bene merendum erga amiciffimam Gentem Polonam ſtudio animati non potuimus non, quin illam Maj^{tis} V^{re} ſollicitam & amicam præcautionem pleno affectu æquiſſimoque animo admitteremus, prout etiam hiſce præſentibus ut validam, æquam & juſtam uſque eò admittimus, ſolenniterque admiſſam declaramus, ut, etiamſi jam præfatus Homagii Actus hodie abſentibus M^{tis} V^{re} & Reipublicæ Legatis expeditus fuerit, illa tamen Legatorum eorundem non ſpontanea, ſed casualiter effecta abſentia, intermiſſaque hac vice ſucti ad Legis formulam Homagii eventualis receptio, neque in præſens neque in futurum, in derogationem ullam Juris ſucceſſionis eventualis Maj^{tis} V^{re} Inclytique Poloniae Regni in Regnum Noſtrum Boruſſiæ trahi vel debeat vel poſſit. Imo verò, ut Maj^{tis} V^{re} Inclytæque Reipublicæ candorem, rectitudinem & integritatem affectus, propenſionis & ſtudii Noſtri inviolabilis ad fulcienda, firmanda & promovenda Gentis amiciffimæ qualiæcunque jura, commoda & utilitates eò prolixius & quàm validiſſimo argumento teſtatam reddamus, id adhuc peculiare circa receptum

I

hodie

hodie Homagium Nostrum prospeximus, ut ad splendendam illam Maj^{ties} V^{rae} inclytæque Reipublicæ non spontaneam intermissionem, solo intuitu indemnifandi Juris ipsorum eventualis foederum legibus sanctissime firmati, atque à Nobis Domoque Nostrâ Regiâ ad seram eamque ultimam posteritatem religiosissime & inviolabiliter conservandi, formula juramenti ab Ordinibus Regni Nostri suscepti peculiari clausulâ extensa fuerit, eosdem nullam aliam, quam quæ Pactis Vela- viensibus stabilita dudum fuit, successionem, successionisque illius inibi præscriptum ordinem in ævum agnituros, ita, ut hac ipsâ juramenti Nobis præstiti extensione cum prædicta Pacta tam solenniter etiam Regum Regnique Poloniæ successionem eventuales fundaverint, quasi idem perfectum impletumque fuerit, ac si præcæntes M^{ties} V^{rae} Reique publicæ Legati suum peculiare juramentum ad formam Pactis expressam ab iisdem actu exegissent. Nos certe illud juramentum hoc modò ad mentem foederis provide extensum unum pro duobus præstitum, & pro utroque in æternum valiturum solenniter ex parte Nostra declaramus, reservatò plenissimò Majestatis V^{rae} inclytæque Reipublicæ jure, circa futuros successionis Casus, alterius peculiaris Juramenti exactione, ac olim consueverat, liberrime semper procedendi, indubii quoque sumus, hoc sincerrimo voluntatis, fidei reli-
gionis-

gionisque Nostræ argumentum, prout perfectius à nobis excogitari nequiverat, justo pretio apud M^{tes} V^{ras} Gentemque generosissimam habitum iri, atque illud ipsis perenni stimulo fore, plenitudinem Nostræ propensionis pari semper & erga Nos Nostramque Domum Regiam exæquandi. De cætero Maj^{ti} V^{ras} omnigenam prosperitatem & auspicatissimos sine interruptione successus animitus apprecantes. Dabantur Regiomonti Borussorum, die XI^{ma} Septembris. Anno à Nato Christo, M DCC XIV, & Regni Nostrⁱ secundo.

Ad Regem Poloniae.

Furamenti Solennis Formula, in præstito undecimâ Septembris die 1714. Regiomonti Borussorum Homagio adhibita.

JUro, spondeo & promitto Serenissimo & Potentissimo Principi, Domino Friderico Wilhelmo, tot. tit. Domino meo clementissimo, supremo & hæreditario Regi ac Domino, ejusque Regiæ Majestatis Hæredibus masculis, & post fata illorum Serenissimo Regi & Regno Poloniae, utpote quibus

in Regno hoc Boruffiæ juxta tenorem Paſtorum Ve-
lavienſium ſuccedendi jus eſt, tanquam unicis meis
veris, immediatis, hæreditariis & ſupremis Dominis
me fidelem & obſequentem futurum; Regiæ ſuæ Ma-
jeſtatis ejuſve & reliquorum prædictorum ſucceſſo-
rum, caſu eveniente, commoda & bonum promotu-
rum; à Regia ſua Majeſtate & omnibus Ejuſ ditioni-
bus, territoriis & ſubditis damna quæcunque & detri-
menta, quantum fieri poteſt & in me eſt, præpeditu-
rum, moniturum eſſe & averſurum, omni meliori &
eò nimirum, qui pium & fidelem decet ſubditum,
modò, nec proinde commiſſurum, ut quidquid iſtud
fuerit, aut ab hominum unquam mente excogitari
poſſit, abſtrahere me inde valeat. Ita me Deus adju-
vet, per Dominum noſtrum Jeſum Chriſtum, Amen!

Auguſtus Secundus Rex Poloniæ &c.

PErgratæ Nobis ac acceptæ fuerunt Maj^{tiſ} V^{ræ} ad
Nos die undecima Septembris exarata literæ,
quarum ſenſus ac mentem cum probe percepe-
rimus, non poſſumus, quin M^{tu} V^{ræ} propter
teſtatum candorem & integritatem affectus, propen-
ſionis

fionis & studii erga Nos inclytamque Rempublicam
Poloniæ, gratiam habeamus.

Non pacta inter Nos inclytumque Poloniæ Re-
gnum ferenissimamque M^{us} V^{ræ} Domum antiquitus
conclusa ac renovata, non in ipsissimo nuperrimi Ho-
magii actu in Prussia, a M^{te} V^{ra} ne id nostro ac Rei-
publicæ Juri fraudi sit ac detrimento, adhibitæ solli-
citæ ac amicæ cautiones, non apta ac conveniens,
præsenti rerum concursu, mutuorum consiliorum so-
cietas ac necessitas solummodo, sed & reiterata sæpius
ac confirmata M^{us} V^{ræ} erga Nos infucati amoris ac
sinceri studii testimonia a Nobis contendunt & effla-
gant, ut quacunque datâ occasione tot & tantis
significatis Nobis ac Polonæ Genti amicitiaæ argu-
mentis, jure meritoque parique studio ac propensione
respondeamus, prout etiam & proclivitate animi &
officiorum religione ad id adducti lubentes omnia
curabimus & præstabimus, quæ ad M^{us} V^{ræ} explenda
desideria in ipsius negotiis conducere poterunt, ac ut
in eo partes Nostræ nullo modo desiderentur, non
omitemus, eadem apud Ordines Reipublicæ autori-
tate Nostra promovere, omni studio fulcire ac com-
mendare, & in hac occasione, ut & in omnibus quæ
se obtulerint, sinceri Nostri studii & animi erga M^{cem}
V^{ram} affectus indubitata specimina edere. De cæ-

tero M^{ti} V^{re} omnigenam prosperitatem & auspiciatissimos rerum successus animatus apprecamur. Dabantur Varfaviæ, die 29. mensis Novembris, anno Domini M DCC XIV. Regni vero Nostri anno XVIII.

Ad Regem Borussia.

Monfieur.

Jai vû avec beaucoup de mortification par le Memoire, que Vous avés dernièrement delivré au Roy de Pologne, & que Sa Maj. a eû la bonté de me communiquer, les sinistres impressions, que l'on ataché de Vous donner touchant mes sentimens & la contenance, que J'aurois tenu jusques icy envers la Couronne de Pologne. La chose qui Me console le plus dans cette occasion, c'est qu' après un examen le plus attentif, que J'ay fait des points, que l'on Vous a voulu insinuer contre moy, Je trouve, qu'il n'y a presque rien de fondé à tout cela, & que les Faits, desquels on M'a voulu charger auprès de Vous, se trouvent si fort éloignés & contraires au veritable état des choses, que l'on voit clairement, que tout cela

cela n'a été inventé, que pour cloigner v^otre cœur & v^otre amitié de Moy, & peut - être même pour s'ouvrir par là un chemin à brouiller les affaires entre la Pologne & Moy, & pêcher alors en eau trouble, pour parvenir d'autant plus aisément aux veûes d'un intérêt particulier & nullement compatible avec celui de la Republique qu'on peut avoir &c. Je suis aussi bien aise, que ces gens-là se sont voulu adresser avec leurs finesses à Vous, Monsieur, dont la prudence, la droiture & les lumieres sont connues à toute l'Europe, & par les moyens desquelles Vous demêlerés mieux que qui que ce soit, ce qu'il y a de vray & de faux à tout cela, pour en faire un discernement juste & équitable. Pour Vous mettre d'autant mieux aussi au fait de tout cela, j'ai fait ce que je devois, & ce que Vous me demandés même par v^otre Memoire, à sçavoir de représenter tous les Articles, dont on M'a accusé auprès de Vous, dans leur situation naturelle, & d'y repondre sans aucun deguïsement ou artifice, afin que Vous & toute la terre raisonnable voye & sente, que l'on M'a fait tort auprès de Vous, & que Je suis incapable d'entrer dans aucune demarche contraire à l'honneur & aux droits de la Nation Polonoïse, pour lesquels Je voudrois plutôt sacrifier toujours mes plus cheres interêts, & faire avec plaisir tout ce qui m'est possible, pour me conserver son amitié & la bonne & parfaite intelligence, dans laquelle Je souhaite toujours de vivre avec Elle. Mon intention n'est pas pourtant, que Je veuille, au eas que Vous croyez avoir encore quelque replique à faire à ma reponse, ne la pas admettre ni l'ecouter. Je propose plustôt dans ma réponse, & Je suis bien aise, de Vous le repeter aussi, que si les raisons, que j'allegue pour justifier mes actions, ne Vous donnoient pas toute la satisfaction, que Vous croyés Vous être due, je suis prêt de ne me servir pas seulement de la voye des Commissions prescrite dans le Traité de Velau, mais même d'employer pour l'entiere composition de ces griefs l'interposition de quelques Puïssances impartiales, choisies pour cela de Vous & de Moy, & par laquelle il sera impossible, que
 nous

nous ne sortions entierement d'affaire. Il ne me reste qu'une seule chose à souhaiter encore de vous, c'est qu'en attendant & jusques à ce que Sa Maj. le Roy de Pologne & Vous me fassiez savoir Vos sentiments & vôtre resolution sur des demandes si équitables que Je Vous fais, Vous veuillies bien Vous depouiller de l'opinion, qui semble regner presentement chez Vous, à sçavoir, que Moy ou quelque autre Puissance Protestante soit d'intention de venir à une guerre, ou à quelque autre chose de violent contre la Pologne; à quoy Je Vous proteste, qu' aucune de ces Puissances n'a jamais pensé, dans la ferme espérance, que dans les affaires de Thorn, & autres qui regardent la religion, le Roy de Pologne, Vous & un si grand nombre d'Illustres & sages Senateurs ne manquerés pas de Vous determiner à des expedients justes & raisonnables, par lesquels ni la gloire de la Nation, ni les Constitutions de Votre Couronne ne souffrent point, & qui donnent pourtant lieu à Moy & à tout le Parti Protestant, de Vous en temoigner nôtre reconnoissance, & de Nous attacher toujours plus fortement à ce qui est du bien de vôtre Patrie, & de l'ineestimable conservation de vôtre liberté.

C'est toujours à quoy je M' appliquerai le plus serieusement, & en même tems à Vous temoigner par tout, que l'on ne sauroit être avec plus d'estime & de consideration, que Je le suis

Monfieur

Vôtre veritable & bien bon Amy
pour toujours.

Berlin le 6. de
Nov. 1725.

A Monsieur l'Archeveque de Gnesen,
Primat de Pologne & de
Lithuanie.



F

XVII-2-689